

稚華居士四十初度唱和集

余濶題



廈門圖書館惠存

羅士敬題

稚華居士四十初度唱和集

余塞題



自序

稚華閩之連城人也，幼而失學，早涉江湖，性嗜雕蟲，頗耽聲律，治生之暇，偶一為之，閉戶造車，恨不工耳！抗日軍興，避寇永安，與諸名家遊，詩律稍進，卅二年秋，浙人胡天在粵人黃吟絮伉儷，倡鈎韻感懷詩於南平，和者百數十人，稚亦其一，顧意有未盡，乃自益三律，以成「稚華四十初度感懷詩」，胡君慫慂分寄各方友好索和，意欲益其鈎韻詩，集分同好耳！豈料諸行無常，胡君以療疾逝於其年之冬，胡夫人悼喪自傷，不寧寢處，鈎韻詩稿之編集，因而中輟；稚華之四十感懷詩，雖蒙諸友好寵和，但稚不願僭亡

友之前，先行刊發，遂爾閣置。卅四年，禹甸重光，行蹤靡定，黃夫人自歸百粵，亦音問杳然，未死之身，深慚亡者。今歲，託跡鷺門，山陰虞竹園兄，以再求和什相勗，因檢舊作，重付手民，不意和章飛至，即天末冥鴻，未睨籬鸚，亦嚶鳴相應，蔚為友聲，其間有未謀一面之新交，有已歷卅年之舊雨，六七載處境既殊，言情各異，謹按來詩先後為序，匪敢妄自次第也。嗟呼！人天縹渺，深慚季子之心，肝膽輪囷，空灑唐衢之淚，滄桑劇變，我勞如何，特綴數言，用酬卷中友好，更以此集，結束人間世之一段文字因緣。

稚華羅丹序於廈門

卅八年
九月

四十初度感懷四首

癸未九月
于永安

江聲拍岸月橫鉤
午夜茶香一枕幽
問俗未諳田舍趣
縱情多爲水雲留
天涯酒盡郎當醉
中歲吟懷浩蕩秋
薄有才華消歇盡
只堪狂笑不堪憂
輪蹄催我鬢毛班
屠狗功名總未攀
溫愛已隨慈母盡
淒涼曾挈阿兒還
心懸南海煙波外
夢墮西閩隴畝間
綺障殊難消結習
廿年風雨壓癡頑
生天成佛亦盤桓
世味何如墨海寬
泉石自嫌雙眼澀
山川閒置一身難
圖南鐵硯胭脂局
直北金戈龍虎蟠
半壁黃沙膏碧血
有人磨劍立荒寒
弱歲難忘書買賢
青燈回首一潸然
蟬魚只合縹緗老
畫筆空拋犬馬年
海角聲名慚少作
江南文字感奇緣
樽前坐廢千秋業
俛仰乾坤欲曙天

稚華羅丹呈稿

吳江朱劍芒先生和章

癸未九月
永安

不師句棘與章鈞高會能文客盡幽豪興甯因殘醉減狂名每藉片言留心殊古井波長活
硯儼良田歲有秋擊筑浩歌誰省得十年前亦抱沉憂

李杜浸淫復馬班唐賢漢哲兩追攀耗奇時向新詩洩識畫頻攜粉本還得句心縈紅樹隙
留題身置翠微間何來濁世眞評隲任笑成癡任笑頑

亦文亦雅亦桓桓人露天眞量特寬獨闢靈機斯足羨雙修慧業未云難槎飄星島餘慷慨
劍吐虹光幾屈蟠此日海南成悵望妖氛上薄斗牛寒

山城小隱邁時賢殖產容齊越計然仍掬丹心許家國何妨赤手挽華年滄桑詭變呈奇蹟
爾我論交有宿緣擲筆夜深相視笑月光如水滿長天

湘西田子泉先生和章

癸未十月
永安

江月窺簾半上鈎依山築閣取清幽平生未慣低眉笑大器何曾巨眼留絕世聲華浮旦暮
卅年哀樂自春秋相期蘊匱藏諸耳萬卷橫胸壓盡憂

叢綠稠紅總爛斑青春閒過欲何攀名心漸共秋山瘦鄉夢常從海燕還但得狂吟三百首
不殊廣廈萬千間殷勤拂拭如椽筆風雨蕭蕭門健頑

我曹何事足盤桓山海而今眼底寬漸畏繁囂緣客久從知一壑欲專難飛毫旁薄魚龍起
對酒輪囷肝膽蟠佔得樓頭好風月狂吟能耐五更寒

只合功名讓俊賢栖栖吾道愴徒然絃歌未奏昇平調風雨頻催少壯年幾輩冠裳新笑貌
五陵裘馬舊因緣茲來識得閒中趣秋月春花各有天

秀水朱大炎先生和章

癸未十月

雲外朱樓檻外鈎簾邊疊影水邊幽娥英舊事三生在元白長吟一醉留海嶽盪胸歸萬里
風雷脫筆動千秋遙知強仕華筵日擊鉢傳杯兩不憂

酒痕泪漬認斑斑曾搗玄霜隻指攀海外經年羸夢得生餘一笑挾兒還歌殘劍氣沉釵側
世亂奇才隱市間豎子英雄天下是我儕終合老癡頑

延平津上識三桓燕尾樓中眼一寬鉛槧拾來紅袖膩詩篇和到錦囊難架多祕籍縹緲護
胸有靈巖崩劣蟠別是前生修福慧雙星銀漢住高寒

皈佛研經復禮賢低眉昂首總夷然平生未易輕千古弊眼能輸定百年搖落江關悲故國
踉蹌河海訝奇緣低徊燕水春波綠青史青山欲叩天

南安潘希逸先生初疊和章

癸未十月

盱衡六合看吳鉤慷慨悲歌壯亦幽事業相期青簡拾韶光難遣白駒留騷壇幾奪樽前幟
筆陣能開劫後秋直欲擎天伸赤手平生未解杞人憂

清詞麗藻擁仙班湖海論交敢仰攀梁燕雙栖君獨隱樓蘭未破我何還柔情繞月飛千里
浩氣凌雲塞兩間一例是非剛不惑好憑杯酒起疎頑

鴻軒鳳舉信桓桓俯仰乾坤隻眼寬冰玉盟心終潔白文章報國亦艱難識途騏驥先奔躍
失水蛟龍且蟄蟠時勢英雄相與造等閒休負劍光寒

風流自昔傲時賢一話前塵一惘然雙槩重迎桃葉渡七絃愁聽李龜年狂拋南海梨雲夢
來結中閩翰墨緣烽火關山增感慨不堪消瘦菊花天

南安潘希逸先生再疊和章

簾捲西風月上鉤，高吟妙句自清幽。
登樓玉粲嗟時亂，投轄陳遵愛客留。
海外綠蕉空抱恨，籬邊黃菊正含秋。
相看不盡中年感，對酒當歌亦解憂。

爛熳才華擬馬班，相逢客地喜高攀。
行空天馬任馳騁，騰海雲龍獨去還。
燈火樓臺懸郭外，月波梅竹漾山間。
點頭疑入生公座，說法憑君起固頑。

廣甯橋畔共盤桓，酒意詩情兩未寬。
元白聯吟爭俊逸，蘇黃限韻鬥奇難。
江山歷劫逢搖落，松柏耐冬任屈蟠。
猶有元龍豪氣在，峭然獨對夜光寒。

百城坐擁契前賢，結屋山陬興適然。
燕水潑洄迎曉日，鷺門飄泊憶華年。
雪鴻廿載留奇蹟，花草三生證綺緣。
福慧雙修應記取，姓名早註有情天。

南安潘希逸先生三疊和章

掃愁帚與釣詩鈎盡日周旋意趣幽九轉柔腸珠玉串三生舊恨雪泥留舟歸炎海馱香夢
酒餞西風紀菊秋莽莽神州淪浩劫幾人沉醉幾人憂

匠手詞章巧魯班風流文采孰躋攀十年樹木紆籌策萬里投荒任去還天外迅雷驅腕底
山中明月入懷間沉潛更悟荆關法點染煙螺石不頑

笙聽王喬笛聽桓賞音顧曲久心寬數峯江上青猶在雙眼人前白亦難烽火中原悲馬嘯
山河半壁痛蛇蟠何當滌得腥羶淨氣吐虹霓寶劍寒

慚愧思齊說見賢吾生四十尙依然謬觀青史空前古難把黃金買少年髀肉英雄多寄慨
風雲兒女結奇緣故園回首香閨冷鍊石還應補恨天

張成山衛經先生和章

癸未冬末

蘆花如雪月如鉤此日天南客夢幽壯志欲吞三島盡游踪猶向八閩留劍津橫眼波千里
菊酒盈尊壽九秋爲念靈均詩句裏定知歌哭不勝憂

霜華壓鬢漸成斑如電流光未可攀狂態每邀紅粉笑歸期猶待浦珠還功名久謝蕭曹輩
詩筆應追李杜間論齒與君差一歲一編憐我老癡頑

縱懷詩酒且盤桓亂世愁眉那得寬風雨飄搖催老易室家寥落放心難江山久被腥羶穢
城社甯容狐鼠蟠豪氣未應輸祖逖相呼舞趁五更寒

搖落清秋念楚賢詩篇畫卷兩蕭然身經慧業三千劫老困風塵四十年愧少珠璣酬錦句
懽從翰墨結新緣何當載酒燕江畔共醉霜楓九月天

金華鄭瘦儂先生和章

癸未歲闌

挺身原不解吳鉤醉話宜南夢亦幽琴豈有絃纔得趣詩無好句未曾留謝貞陷敵奔千里
虞寄羈閩又一秋談笑向關天下事應知後樂與先憂

雁門轉戰劫痕斑誰教關山虜騎攀往日尙虞戎事迫來春卻奏凱歌還論才我在菰蘆外
遺世人論草莽間夜半荒鷄猶起舞感時漆室豈愚頑

詩如庾鮑笛如桓才大惟君江海寬上國衣冠淪傀儡故人風雨不艱難千年碧血茫茫劫
兩戒黃河曲曲蟠肝胆更應輸努力莫辭磨劍倚荒寒

堪笑玄虛尙晉賢蒼生誤盡更淒然蹉跎無補垂雙鬢慚愧知非欠一年狂放不求諧世俗
神交亦自有因緣來朝春色東南盛早唱鐃歌待曙天

慈谿何平叔先生和章

癸未冬月

江湖滿地下釣鉤拍岸濤聲未覺幽
遯世難肥緣客過芳年大半爲君留
杜陵賦獻蓬萊日彭澤尊開松菊秋
何必今朝始強仕心原後樂與先憂

悠悠難忘荔枝斑當日登臨取次攀
南海慈航終不返北門鎖鑰會須還
思親縹緲飛雲下顧影蒼茫夕照間
陸可起沉難得恃一庭風木厄殷頑

縷文功業自桓桓天地無如二酉寬
莫謂葫蘆依樣易須知面目存真難
校讎何似風吹葉訪異直摧蛇結蟠
潛德幽光闡發盡衣冠相謝破宵寒

海嶠今日集羣賢月照龜山自皎然
尊酒傳空酬乙夜佳章稠疊祝庚年
能文自識其中趣放眼儘多物外緣
鼓角聲聲催曙色有星灼爍耀南天

鄭雪亭廷雨先生和章

癸未冬月
時客英都

爐香細裊鎖簾鉤欹枕丁冬玉漏幽書寄蠻邊應悵惘

君有句蠻煙
瘴雨住經年

樓開燕尾任勾留廿年筆

硯催人老百戰江山歷劫秋儘把豪情付樽酒名花照眼解煩憂

蕭閒我亦散仙班霄漢喬松不可攀文字千秋風雅在煙波萬里海天還書名蘇髓顏筋外
詩品湘南歇後閒細數年華同不惑望塵空自感疎頑

狂名可是野王桓一世桑蓬四海寬無價文章謀食苦半肩兒女負擔難扶搖只待豐毛羽
列缺爭看起蟄蟠事業祖鞭君記取何如盾墨冒邊寒

桐陰酬唱襲先賢

翼與月笙在衆
結續桐陰吟社

此事誇君合驪然相和候蟲聞四壁不飛庭鳥止三年灞橋風

雪馱詩思羅嶺雲煙結墨緣淒絕疊宮貧病久

是歲十月
余病一週

捲簾瘦過菊黃天

陳以專先生和章

癸未冬月

清風明月上簾鉤百尺樓頭短夢幽未許家山千日臥拚將湖海十年留忙中苦覺無長夏
寫得新涼好個秋半世難償詩酒債生涯草草以忘憂

鄉音未改鬢毛斑條柳瓣梅動折攀燕幕且爲今日計鷺門無恙幾時還三春桃李千秋業
萬里風雲一笑間霄壤雞蟲渾不顧任他親友誚癡頑

異鄉故舊日盤桓縱酒論文意自寬三徑就荒歸未得一生知己遇何難版圖變色朝廷小
傀儡登場狼虎蟠縱有黃花矜隱逸何如松竹最經寒

陋巷爭傳顏子賢饔飧簞食亦陶然誦詩應憶趨庭日學易當逾不惑年豈有風雲來際會
敢將文字結因緣古來達者原知命從不尤人不怨天

林子和先生和章

卅三年正月

隔田村舍曲如鉤，深竹家園事最幽。
淡泊宗風良尚在，敦和淑氣自長留。
安居堪痛錙銖世，迴溯何言卅八秋。
我志可酬時亦再，只今徒苦是吾憂。

琴書日事髮爲班，道業名賢愧未攀。
橫海徒看吾父去，清居獨哭母魂還。
空悲遺愛重洋外，就學游踪滬濱間。
巧遇姻緣締佳偶，前塵如夢覺人頑。

羅浮入夢得盤桓，名教居吾地亦寬。
炎夏愛涼襟袖爽，憂時沉變算籌難。
漢方兵革雞蟲劫，嶺表藩封狐鼠蟠。
絃誦當年餘嗣響，從知薪火夜光寒。

讀易前知仰昔賢，命途如許自潛然。
囊琴載筆知何處，挈婦攜兒度幾年。
茵草桐花傷落意，移枝布葉寄人緣。
席壇講貫心猶是，笑指梅開道見天。